



սկիւր  
beginning  
end  
beginning  
վերջ  
սկիւր

Կարեն  
Պետրոսյան  
Garen Bedrossian

ԱՄՆԻ ԱՅՈՒՆ | ՀԱՅԷ ԳԱԼԵՐԻ  
Bosquepinchak Arts | Gallery USA



CAFESJIAN  
CENTER FOR THE ARTS

2023  
Երևան | Yerevan

## սկիզբ, վերջ, սկիզբ

- 8 «Մարդը բնության մաս է, ոչ թե բնությանը հակադրվող երևույթ: Նրա մտքերն ու մարմնի շարժումները հետևում են նույն օրենքներին, որոնցով նկարագրվում են աստղերի ու ատոմների շարժումները»,- այսպես էր ներկայացնում մարդու ու բնության հարաբերությունը բրիտանացի մեծամուն մաթեմատիկոս և փիլիսոփա Բերտրան Ռասելը (1872-1970) շուրջ մեկ դար առաջ<sup>1</sup>: Այդուհանդերձ, բնության մասնիկ ու ծնունդ լինելով՝ մարդը մշտապես անվերջանալի պայքարի մեջ է նրա հետ, ասել է թե՛ ինքն իր հետ:
- Բնությունը, փիլիսոփայական տեսանկյունից, որպես հասկացություն կարելի է ընկալել երկու իմաստով՝ առավել ընդարձակ և ավելի մեղ: Լայն իմաստով, բնությունը գոյության հիմնական ձևն է, ամբողջ բազմաշերտ ու բազմազան աշխարհը, որ շրջապատում է մեզ դեռևս մարդու հայտնվելուց առաջ ու այժմ գոյակցում է նրա հետ: Այն հավերժ է ու կլիմի մեր վերամալուց հետո էլ. բնությունից (ամենալայն իմաստով) անդին որևէ բան գոյություն չունի: Ավելի մեղ իմաստով բնությունը մարդու բնական միջավայրն է, որն ուսումնասիրվում, ընկալվում և սպառվում է հասարակության կողմից իր կենսագործունեության համար:
- Կանադաբնակ հայազգի արվեստագետ Կարեն Պետրոսյանն (ծնվ. 1952 թ.) իր արվեստում արդեն մի քանի տասնամյակ ուսումնասիրում է մարդու և բնության հարաբերությունները տարբեր հարթություններում՝ կենսաբանական, փիլիսոփայական, տիեզերական, մետաֆիզիկական և այլն: Այս ամենով հանդերձ, մարդը նրա ստեղծագործություններում կենտրոնական տեղ է գրավում և նրա աշխատանքները կառուցված են մարդու շուրջ: Ուստի, զարմանալի չէ, որ արվեստագետը նույնիսկ առանձին շարքով դիտարկում է «միկրոկոսմոս-մակրոկոսմոս»-ի գաղափարը՝ հղում անելով մարդու և կոսմոսի (տիեզերքի) համեմատության ու ընդհանրության փիլիսոփայական մոդելին: Նրա արվեստում մարդը և բնությունը շեն դիտարկվում առանձին-առանձին, որոշակի վակուումի մեջ, այլ հենց միմյանց հետ հարաբերության խոսույթում են գտնվում:

<sup>1</sup> Russell, B. (2004). What I Believe (2nd ed.), Routledge Classics, London, էջ 20:















